


Analiza anketa za roditelje djece sa poteškoćama u razvoju

Cilj ankete je bio da ispitamo zadovoljstvo korisnika sadašnjim uslugama te način života i potrebe porodice djece sa poteškoćama u razvoju koje će nam dati smjernice za naš dalji rad.

U anketi je učestvovalo 54 ispitanika od kojih je 92,3 % ženskih ispitanika, a 7,7 % muških. 51,9% ispitanika je u dobi između 31 i 40 godina, 17,3% je u dobi između 41 i 50 godina, 26,9% između 18 i 30 godina, dok ostali imaju više od 50 godina.

Dob


52 odgovora



U udruženju je najveći broj porodica sa četiri člana. Statistički prikaz nalazi se u sljedećem grafikonu:

Koliko članova broji Vaša porodica?


52 odgovora



Njaveći broj članova u porodicama djece sa poteškoćama u razvoju je četiri, njih 53,8%.

Srodstvo sa korisnikom:


51 odgovor



Na anketna pitanja većinom su odgovarali roditelji djece njih 96,1%.

Bračni status


50 odgovora



Većina roditelja živi u bračnoj zajednici njih 86%.

Dijete živi sa:


50 odgovora



Najveći broj djece sa poteškoćama u razvoju živi sa oba roditelja 90%, dok 8% živi samo sa majkom. 2% roditelja živi samo sa ocem.

Dijete živi sa:


50 odgovora



90% djece živi sa oba roditelja, dok 8% djece živi samo sa majkom.

Uslovi stanovanja:


49 odgovora



Uslovi stanovanja kod većine porodica je vlastita kuća, njih 77,6%, unajmljeni stan 10,2%, kod roditelja(djeda i nane/bake djeteta) 10,2%, dok ih je 2% navelo da drugo kao trenutni smještaj njihove porodice.

Koliko je Vaše mjesto stanovanja udaljeno od Udruženja „Mala sirena“?


50 odgovora



56% ispitanika se izjasnilo da je njihovo mjesto stanovanja udaljeno više od 5km od Udruženja „Mala sirena“, 12% 2-5km, dok se 32% izjasnilo da su udaljeni 0-2km od udruženja.

Na koji način dolazite u Udruženje?


50 odgovora



Većina roditelja i djece dolazi u udruženje vlastitim automobilom njih 66%, javnim prevozom dolazi 24%, 10% njih dolazi pješke, dok je 6% njih navelo drugo kao način dolaska u udruženje.

Ko u Vašoj porodici ima novčana primanja? (plata, penzija, invalidnina i sl.). Molimo Vas navedite i vrstu primanja!


50 odgovora



Izvori novčanih primanja kod porodica u većini slučajeva je plata muža i djetetova invalidnina.

Kako biste procijenili Vaše trenutno finansijsko stanje u porodici?


51 odgovor



80,4% ih je navelo da bi svoje trenutno finansijsko stanje u porodici navelo zadovoljavajuće, 15,7% loše, dok je 3,9% navelo da imaju jako dobro finansijsko stanje.

Molimo Vas navedite koliko iznose ukupna mjesečna primanja u Vašem domaćinstvu:


50 odgovora



Ukupna primanja 48% porodica su između 500 i 1000KM, 26% porodica između 1000 i 2000KM, 16% porodica između 0 i 500KM i 10% porodica ima primanja viša od 2000KM.

Navedite stepen obrazovanja majke:


50 odgovora



Stepen obrazovanja majke djeteta s poteškoćama u razvoju u 64% ispitanika je srednja stručna sprema, 18% visoka stručna sprema, 14% osnovna škola i 4% viša stručna sprema.

Navedite stepen obrazovanja oca:


49 odgovora



Stepen obrazovanja oca djeteta s poteškoćama u razvoju je u 69,4% srednja stručna sprema, 18,4% visoka stručna sprema i 12,2% osnovna škola.

Imate li Vi ili neko od članova porodice položen vozački ispit i koje kategorije?


49 odgovora



Većina roditelja i članova porodica ima položen vozački ispit B kategorije.

Da li posjedujete vlastiti automobil ili drugo motorno vozilo?


49 odgovora



Na pitanja da li podjedujete vlastiti automobil ili drugo motorno vozilo 83,8 % ispitanika je navelo da posjeduje vlastiti automobil, dok 16,2 ne posjeduje nikakvo motorno vozilo.

Da li je procijenjen stepen invaliditeta za dijete i ako jeste koliko iznosi?


49 odgovora



Najviše ispitanika se izjaniilo da je kod njihove djece procijenjen stepen invalidnosti na 100%, kod nešto manjeg broja djece nije procijenjen stepen invalidnosti, dok najmanji broj djece ima 60% invalidnosti.

Da li Vaše dijete ima alergije i koje?


49 odgovora



Najviše odgovora je bilo da dijete nema alergiju, neke od alerija koje su najviše zastupljene kod djece ispitanici su naveli prašinu, polen i dlaku kućnih ljubimaca ili drugih životinja i neke lijekove (pencilin, panklav).

Je li vaše dijete:


51 odgovor



3,9% ispitanika je navelo da je njihovo dijete agresivno, 27,5% hiperaktivno, 13,7% povučeno i mirno, dok je najveći broj njih 56,9% navelo da njihovo dijete nije ništa od navedenog. Niko nije opisao svoje dijete kao autoagresivno.

Da li Vaše dijete koristi:


51 odgovor



25,5% djece koristi ortopedsku pomagala, 23,5% njih koristi neke od lijekova, 23,5% koristi pelene, dok najveći broj njih 58,8% ne koristi ništa od navedenog. 2% ispitanika navelo je drugo kao odgovor na pitanje „Šta vaše dijete koristi?“.

Kako komunicira Vaše dijete:


43 odgovora



65% djece komunicira verbalno, 16,35 neverbalno dok 18,6% djece ne komunicira uopšte.

Da li ostvarujete pravo na novčana primanja na osnovu dijagnoze Vašeg djeteta:


51 odgovor



39,2% roditelja ostvaruje novčana primanja na osnovu dijagnoze djeteta u vidu invalidnine, 3,9% stipendije, 41,2% dječijeg doplatka, dok 49% roditelja ne ostvaruje nikakva novčana primanja na osnovu dijagnoze svog djeteta.

Koliko zabrinjavajućim smatrate poteškoću Vašeg djeteta?


50 odgovora



Veoma zabrinjavajućim poteškoću svog djeteta smatra 34% ispitanika, djelomično zabrinjavajućim 46%, dok veoma malo zabrinjavajućim poteškoću svog djeteta smatra 20% ispitanika.

Da li se Vaše dijete i Vi osjećate prihvaćeno od strane okoline?


50 odgovora



54% roditelja se izjasnilo da se oni i dijete osjećaju prihvaćeno od strane okoline, 42% da se ne osjećaju prihvaćeno dok 4% se osjeća djelomično prihvaćeno od strane okoline.

Koliko ste zadovoljni uslugama udruženja?


51 odgovor



Na pitanje koliko ste zadovoljni radom udruženjam 90,2% ispitanika je odgovorilo da je potpuno zadovoljno, dok je 9,6% navelo da je djelomično zadovoljno radom udruženja.

Koliko ste zadovoljni stručnim osobljem udruženja?

50 odgovora




Na pitanje koliko ste zadovoljni stručnim osobljem 94% ispitanika je odgovorilo da su potpuno zadovoljni, dok je 6% ispitanih članova udruženja označilo zadovoljan.

Odgovor za prijedlog za uvođenje novih usluga dalo je 28 ispitanika. Ispitani članovi udruženja su naveli kao prijedlog za uvođenje novih usluga: fizioterapeut, usluga prevoza djece, kursevi za mame, duže kućne posjete za djecu koja nisu u mogućnosti da dođu u udruženje i višednevne posjete. Također naveli su da bi željeli kuharske radionice za odrasle članove, posjete zubaru radi oslobađanja od straha, razne aktivnosti na otvorenom, asistente za odraslu osobu po potrebi. Šest ispitanika je odgovorilo da nema prijedloga, da djeca imaju sve što im je potrebno.

Na pitanje „Šta za Vas znači udruženje „Mala sirena“?“ odgovor je dalo 40 ispitanika. Svi su dali pozitivne odgovore. Većina je navela da im udruženje jako puno znači jer imaju sve usluge na jednom mjestu, da im je udruženje utočište za njihove probleme, imaju više vremena za sebe, primjetili su veliki napredak kod svoje djece od kako dolaze na tretmane u udruženje. Također su naveli da su primljeni jako ljubazno i da se osjećaju kao u drugoj kući, prihvaćeno i sigurno.

Koji, prethodno realizovani projekat/aktivnost, smatrate najboljom i najkorisnijom za Vaše dijete i Vašu porodicu? (moguće izabrati više odgovora)


35 odgovora



Od predhodno realiziranih aktivnosti/projekata koji smatraju najboljim i najkorisnijim za dijete i svoju porodicu 48,6 % naveli su izlet u Ajdinoviće, 37,1% kampovanje u Kamenici, 25,7% izlet u Sarajevo, 37,1 % odlazak u Ijekovitu banju, 5,7 % kampovanje na boračkom jezeru, 8,6 % izlet u Olovo, 8,6 % izlet na jezero Jelen i Decoupage i druge kreativne radionice 20% . Ispitanici su imali mogućnost zaokružiti više ponuđenih odgovora.

Koliko često putujete na odmor?


49 odgovora



Na pitanje koliko često putujete na odmor 49 ispitanika je dalo odgovor 30,6 % ispitanika nikad nije islo na godišnji odmor, 30,6 % ide 1-2 puta godišnje, 18,4 % svake 2-3 godine i 16,3 % nisu putovali posljednjih 5 godina.

Da li ste u mogućnosti putovati sa djetetom sa poteškoćama na višednevni put?


46 odgovora



Većina roditelja je izjavilo da je u mogućnosti putovati sa djetetom sa poteškoćama na višednevni put njih 60,9%, 26,1% nije sigurno, dok ih 13% nije u mogućnosti putovati na višednevni put.

Ukoliko biste imali priliku posjetiti neko mjesto/grad u BiH ili van BiH, koje mjesto/grad bi to bilo?

37 odgovora




Na pitanje “ Ukoliko biste imali priliku posjetiti neko mjesto/grad u BiH ili van BiH, koje mjesto/grad bi to bilo ?“, najveći broj ispitanika (16,2 %) navelo je da bi to bilo Jajce, zatim Mostar (10,8%). Manji procenat ispitanika navelo je Beograd, Turska, Njemačka, Prag, Trebinje.

Na pitanje „ Osim Vašeg obrazovanja, posjedute li još neke vještine ?“, većina ispitanika je navela sljedeće vještine: šivenje, poznavanje rada na računaru i poznavanje stranih jezika.

Ukoliko biste imali priliku, da li biste se uključili u neku od sljedećih obuka? (moguće izabrati više odgovora)


38 odgovora



Ukoliko bi naši korisnici imali priliku, njih 34,2 % bi se bavilo plastičkom proizvodnjom, učenje stranog jezika 34,2% te krojenjem odnosno šivanjem 31,6%. Značajan broj ispitanika naveo je obuku za rad na računaru, kulinarstvo te decoupage rad.

Imate li Vi ili neko od Vaših članova porodice neki hobi i koji?

32 odgovora




Najveći postotak ispitanika tačnije njih 59,4% navelo je da nema hobi.

Ukoliko bi dobili mogućnost da ostvare bilo koju želju, većina ispitanika (njih 31) je izrazila želje koje su vezane za njihovu djecu i njihov napredak i ozdravljenje.

Igra je bila najčešći odgovor na pitanje „Šta Vaše dijete najviše usređuje ? „ Dok djecu najviše uznemirava buka, duga putovanja, nametanje obaveza, pravila te promjene u rutini i rasporedu.

Da li je Vaša porodica izložena nekim stresnim faktorima i koliko dugo?


15 odgovora



60% ispitanika izjavilo je da nije izloženo stresnim faktorima. 33,3% je u posljednjih pet godina i više izloženo stresnim faktorima. Ostali odgovori nisu statistički značajni.

Da li ste ikada prisustvovali tretmanima kod psihologa Udruženja ili nekog drugog psihologa?


16 odgovora



43,8 % naših ispitanika nikada nije prisustvovalo tretmanima psihologa Udruženja ili nekog drugog psihologa. 33,1% je prisustvovalo i individualnim i grupnim tretmanima dok je 25% prisustvovalo samo individualnim tretmanima.

Ukoliko biste mogli birati, koje teme biste voljeli obrađivati na grupnim psihološkim tretmanima?
(moguće zaokružiti više odgovora)


16 odgovora



Ispitanici su imali mogućnost birati teme koje bi voljeli obrađivati na grupnim psihološkim tretmanima. Te na osnovu odgovora (imali su mogućnost birati više odgovora), dobili smo sljedeće rezultate, najveći broj ispitanika 62,5 % navelo je temu „ Kako pomoći sebi i svom djetetu ? „ zatim „ Kako biti bolji roditelj ? „ 50%, „Stres i načini borbe protiv stresa“ 43,8 % te „ Šta kada mene ne bude ? 43,8 %.

Ko u Vašem domaćinstvu raspolaže novcem?


18 odgovora



Na pitanje, „ Ko u Vašem domaćinstvu raspolaže novcem ?“, 83,3 % odgovorilo je da oba supružnika raspolažu novcem, dok kod 11,1 % samo suprug raspolaže novcem.

Koliko često Vas supružnik kritikuje i ograničava u Vašoj slobodi?


16 odgovora



75 % ispitanika je izjavilo da ih supružnik nikada ne kritikuje i ne ograničava u njihovoj slobodi dok 25 % njih supružnik ponekad kritikuje i ograničava u njihovoj slobodi.

Da li fizičko kažnjavanje smatrate kao dobru i efikasnu kaznu za poboljšanje ponašanja?


15 odgovora



15 ispitanika je odgovorilo na pitanje da li fizičko kažnjavanje smatraju kao dobro i efikasnu kaznu za poboljšanje ponašanja. Od tog broja njih 80 % odgovorilo je negativno.

Sa kojim načinom fizičkog kažnjavanja ste se susretali ili i sami koristili? (moguće zaokružiti više odgovora)


17 odgovora



52,9% od ukupno njih 17, su se izjasnili da se nikada nisu susretali ili koristili bilo koji oblik fizičkog kažnjavanja dok je 47,1 % njih je izjavilo da je primjenjivalo kažnjavanje u vidu udarca po stražnjici.

Da li ste nekada bili izloženi fizičkom, psihičkom ili ekonomskom nasilju, ako jeste od strane koga?


14 odgovora



98 % (od ukupno 14 dobijenih odgovora) nikada nije bilo izloženo fizičkom, psihičkom ili ekonomskom nasilju. Jedan ispitanik je u djetinjstvu bio izložen nasilju.

Da li ste trenutno izloženi nekoj vrsti nasilja?

15 odgovora



93,3 % ispitanika nije trenutno izloženo nekoj vrsti nasilja, dok 6,7 % nije željelo odgovoriti.

Na kraju ankete, ispitanici su imali mogućnost dati prijedlog za buduću aktivnost ili projekat koji bi voljeli da se realizuje. Neki od dobijenih prijedloga su: odlazak na bazen, više sadržaja za odraslu grupu, više izleta i ekskurzija, te što brža izgradnja novog i većeg objekta za rad.

Zaključak

Na osnovu odgovora datih u anketi za roditelje svi roditelji su zadovoljni uslugama, osobljem i radom udruženja. Usluge koje trenutno postoje u našem udruženju i dalje su potrebne našim korisnicima, ali su dali i prijedloge za uvođenje neki novih usluga, kao što su fizioterapeut, prevoz korisnika i različite kurseve za majke.

U 2023. godini planiramo organizovati i dalje postojeće usluge:

- Defektološke tretmane
- Logopedске tretmane
- Neurofeedback tretmane
- Senzornu terapiju
- Psihološke individualne i grupne tretmane za roditelje i djecu
- Inkluzivnu igraonicu
- Ranu intervenciju
- Kućne posjete za nepokretne članove
- Kratki boravak
- Ekskurzije i izlete
- Radionice za omladinu
- Ostale usluge (podjela paketića, promotivne aktivnosti isl.)

Također ukoliko se stvore uslovi uvesti usluge koje su korisnici izrazili želju da bi voljeli imati u našem udruženju na narednom periodu.

Na anketu su u većini odgovarali roditelji i to ženskog spola (mama), što nam ukazuje da je najveći teret brige o djetetu sa poteškoćama u razvoju na mami što smo i pretpostavljali. Ovo nam ukazuje na to da možemo planirati aktivnosti koje bi na neki način rasteretile majke i dale im prostora da se posvete sebi i nekim svojim ličnim željama i potrebama.

Najviše ispitanika je u dobi između 31 i 40 godina. Taj podatak će nam pomoći u kreiranju budućih radionica, seminara i psiholoških tretmana za roditelje na način da ćemo sadržaj prilagoditi dobi roditelja.

U sklopu budućih projekata trebali planirati obuku i realizaciju iz oblasti plasteničke proizvodnje, stranih jezika i šivanja. Kroz anketu smo zaključili da roditelji djece sa poteškoćama u razvoju većinom nemaju hobi jer su zaokupljeni brigom o djeci, te smatramo da bi im dodatne radionice i obuke utjecale na poboljšanje kvalitete života.

S obzirom da, prema navodima iz ankete dosadašnji izleti su im mnogo značili, a i u mogućnosti su putovati na višednevne izlete predlažemo da se potrudimo da preko projekata u budućnosti organizujemo posjetu gradovima koja do sada nisu posjetili. Smatramo da bi to mogao biti grad Jajce jer je najviše korisnika izrazilo želju da posjete baš ovaj grad.

Većina roditelja je napisala da su njihove želje vezane za djecu i njihov napredak.

Ovi rezultati upućuju da je potrebno organizovati više radionica za roditelje, osnažiti roditelje da pokušaju otkriti svoje talente, hobije. Više ih aktivirati da rade na sebi i jačanju samopouzdanja jer je većina zaokupljena brigom o djeci 100% svog vremena.

Iako je 60% ispitanika izjavilo da nije izloženo stresnim faktorima, ipak je većina navela da bi voljeli na grupnim psihološkim tretmanima obrađivati teme o stresu i načinu borbe protiv stresa tako da nam to upućuje da je stres itekako zastupljen među roditeljima i njihovim porodicama. U budućnosti ćemo svakako planirati grupne tretmane s roditeljima na temu stresa, „Kako biti bolji roditelji?“ „Kako pomoći sebi i djetetu?“ i „Šta kada mene ne bude?“ što su i bile teme koje su roditelji naveli da žele obrađivati na tretmanima kod psihologa.

Prijedlozi za budući projekat ili aktivnost koji bi voljeli da se realizuje bili su odlazak na bazen, više izleta i ekskurzija i brža izgradnja novog i većeg objekta za rad. Ovo će nam poslužiti kao ideja u pisanju budućih projekata te aktiviranjem roditelja u pronalasku sredstava za bržu izgradnju objekta za djecu.

S obzirom da je samo 15 ispitanika odgovorilo na pitanje da li fizičko kažnjavanje smatraju kao dobru i efikasnu kaznu za poboljšanje ponašanja nam ne daje statistički relevantan podatak iz kojeg bi se moglo sa sigurnošću zaključiti da kod roditelja ne postoji fizičko kažnjavanje kao odgojna metoda. Smatramo da nam je sljedeći cilj pokušati otkriti stvarno stanje po pitanju fizičkog kažnjavanja kod roditelja te reagovati u skladu sa saznanjem.

Što se tiče raspolaganja novca u domaćinstvu većina roditelja se izjasnila da oba supružnika podjednako raspolažu novcem.

Iako je anketa bila anonimna mali broj roditelja je dao odgovor na pitanja koja se smatraju osjetljivim iz čega smo zaključili da su roditelji generalno nepovjerljivi prema okolini, zatvoreni u izražavanju svog stvarnog psihičkog stanja i emocija te je potrebno raditi na podsticanju i učenju izražavanja istih.

U budućnosti planiramo raditi više tematskih anketa, odnosno raditi ankete sa konkretnijim ciljevima, sa manjim brojem pitanja da bi dublje ispitali stvarno stanje i potrebe.

Također, neke pitanja ćemo kreirati tako da budu ponuđeni odgovori (npr. da, ne, ponekad) da bi dobili što konkretnije odgovore.